

NINCAPANG KAWAGEDAN NGWACEN AKSARA BALI SISIA KELAS IVA SD NEGERI 2 SAKTI NUSA PENIDA WARSA 2018/2019 ANTUK **MEDIA TOPI AKSARA SANE KASURAT NGANGGEN APLIKASI BALINESE FONT AND KEYBOARD**

Ni Kdk Sintha Cahyani¹, I.B. Md Ludy Paryatna¹, I Kt Paramarta²

Program Studi Pendidikan Bahasa Bali
Universitas Pendidikan Ganesha
Singaraja, Indonesia

e-mail: [}{sinthaacahyanii@yahoo.co.id](mailto:{sinthaacahyanii@yahoo.co.id), ludy.paryatna,
ketut.paramarta}@undiksha.ac.id

KUUB

Tetilikan puniki matetujon nlatarang indik (1) tata cara media pembelajaran topi aksara sane kasurat antuk *aplikasi Balinese font and keyboard* (2) kawentenan media pembelajaran *topi aksara sane kasurat antuk aplikasi Balinese font and keyboard* nincapang kawagedan ngwacen aksara Bali sisia kelas IVA SD Negeri 2 Sakti Nusa Penida (3) penampen sisia indik media pembelajaran topi aksara sane kasurat antuk *aplikasi Balinese font and keyboard*. Ring tetilikan puniki kaanggen *aplikasi Balinese font and keyboard* mawinan kawentenan aplikasinyane sane durung wenten kaanggen ring tetilikan sane lianan lan wentuk aksaranyane sane pinih becik yening kasaihang sareng *aplikasi aksara Bali* sane lianan sane akehan aksaranyane matumpuk-tumpuk, sekadi imba silih tunggil kawentenan pepet lan cecek yening ring *aplikasi lianan matumpuk*, nanging ring *aplikasi Balinese font and keyboard* nenten matumpuk. Jejering tetliknyane inggih punika guru basa Bali lan sisia kelas IVA SD Negeri 2 Sakti Nusa Penida lan panandang tetliknyane inggih punika ngawigunayang media pembelajaran topi aksara sane kasurat antuk *aplikasi Balinese font and keyboard* lan kawagedan sisia ngwacen aksara Bali sane becik. Ring tetilik puniki nganggen kalih deskriptif, minakadi *deskriptif kualitatif lan deskriptif kuantitatif*. Tetilik puniki nganggen tigang piranti ritatkala mupulang data minakadi pratiyaksa, tes lan *angket/kuesioner*. Pikolih ring tetilik puniki inggih punika : (1) tata cara pamargin tetilik kamargiang saking pangawit sekadi panganjali, ring inti sekadi ngicen materi lan nampilang media *topi aksara* miwah pamuput sekadi nyutetang paplajahan ngantos parama Santi. (2) pikolih tes kawagedan ngwacen aksara Bali sisia kabaos nincap minakadi siklus I pikolih rerata 72,53 lan siklus II 80,13. (3) pikolih rerata panampen sisia indik media pembelajaran topi aksara akehnyane 27,67.

Kruna jejaton : aksara, aplikasi, *media*, ngwacen

ABSTRACT

This study aims to explain about (1) the procedure for literary hat media written with the application of Balinese font and keyboard (2) the existence of literary hat learning media written with the application Balinese font and keyboard can increase the knowledge of reading Balinese characters IVA grade 2 Sakti Elementary School Nusa Penida (3) the opinions of students about the literary hat learning media written with the Balinese font and keyboard application. In this study, the Balinese font and keyboard application was used because the form of the script was neater compared to other applications. In addition, with this application, there is a new touch in the world of education. The subject of this study is the Balinese language teacher and class IVA 2 Sakti Nusa Penida Elementary School and the object is the use of literary hat media written with the Balinese font and keyboard application and students' knowledge in reading Balinese script. This study used two descriptive methods, qualitative descriptive and quantitative descriptive methods. This study used 3 tools or materials, namely observation, tests, and questionnaires. The result of this study are: (1) the procedure for conducting this research from the beginning, which is giving panganjali, giving material in the core of activity and using literary hat media, to the last one when concluding the lesson and giving parama Santi. (2) The results of this study are said to increase, as evidenced by the average Cycle I which is 72.53 and cycle II 80.13. (3) The average results of students' opinions regarding literary hat learning are 27.67.

Key words: aksara, application, media, reading

PURWAKA

Pelajaran sane pinih becik patut kapolihang olah para sisia ring aab jagat sekadi mangkin. Punika makasami nenten wantah prasida kapolihang ring pakuub kluarga lan krama banjar kemantren, nanging sane kautamayang inggih punika pendidikan formal. Tatujon pendidikan inggih punika nincapang kaweruhan bangsa lan nincapang jadma Indonesia sane sapatutnyane, inggih punika jadma sane religius utawi manut tekening agama lan satya tekening Ida Sang Hyang Widhi Wasa madue kaweruhan, kauripan, lan parilaksana sane becik.

Sajeroning plajahan basa Bali wenten petang soroh kawagedan sane patut kaplajahn antuk para sisia, minakadi kawagedan miarsayang (*keterampilan menyimak*), kawagedan mababaosan (*keterampilan berbicara*), kawagedan ngawacen (*keterampilan membaca*), miwah kawagedan nyurat (*keterampilan menulis*) (Suwija,2014:9). Silih sinunggih kawagedan sane patut katelebin inggih punika kawagedan ngwacen. Kawagedan ngwacen wenten kakalih, inggih punika kawagedan ngwacen aksara Bali lan latin. Sisia kaaptiang prasida lan waged ngwacen aksara Bali, duaning ngwacen aksara Bali mabuat pesan ring sajeroning plajahan basa Bali (Suwija,2014:11).

Aksara inggih punika ceciren utawi pralambang basa sane kawetuung olah imanusa. Aksara Bali punika aksara sane tradisional

wenten ring Bali. Yening para sisia nanten prasida ngwacen aksara Bali sane becik, sinah ngawinang sisia punika molihang pikobet ngwacen ring undagan sekolah selanturnyane. Panilik taler nyingakin kantun makehan guru basa Bali nenten nganggen *media paplajahan* sane patut ri kala ngemargiang plajahan ring kelas. Guru sepatutnyane nganggen *media* sane *menarik* mangda sisia sayan seneng ri kala nyarengin paplajahan. *Media paplajahan menarik* inggih punika paplajahan sane karincikang olah guru sumangdane *media* paplajahan punika mabinayan ring paplajahan sane sampun sering kamargiang.

Media paplajahan sane *menarik* ring tetilik puniki panilik nganggen serana *topi aksara* sane *kasurat* antuk *Balinese font and keyboard*. Media *topi aksara* puniki *kasurat* nganggen *aplikasi Balinese Font and Keyboard* sane wenten ring *iOS*. Sadurung nyurat aksara, guru ngrereh *gambar* utawi *foto* samian sisia kelas IVA SD Negeri 2 Sakti Nusa Penida, usan punika ring *gambar* punika kadagingin *topi tur kasuratin krupa* sane nganggen aksara Bali . Tata cara ngamargiang media paplajahan puniki inggih punika guru nyiyagayang nomor 1-30 ring *LCD*, usan punika sisia magilir milih siki nomor tur ngwacen sasuratan sane wenten ring *topi aksara* sane *kasurat* antuk *Balinese font and keyboard* puniki madue kaluwihan inggih punika (1) guru *praktis*

ngaryanin media puniki santukan sampun wenten ring HP khususnyane sane nganggen *Apple*, sekadi *Iphone* miwah *Ipad*, (2) nenten perlu mesuang jinah akeh anggen numbas kertas, spidol, miwah sane sarana sane lianan santukan sampun prasida kasurat nganggen aplikasi, (3) prasida kakaryanin ring genah dija kemanten, (4) nenten akeh nelasang tenaga utawi bayu ri kala ngaryanin media puniki. Dadosnyane *media paplajahan topi aksara* sane kasurat antuk *Balinese font and keyboard* puniki prasida ngawinang sisia sayan meled tur seneng ngamiletin paplajahan ngwacen aksara Bali. Yening sisia sampun seneng, sinah sisia sayan dangan ngresepang napi sane sampun kaplajahin Manut kadi dadalan pikobet ring ajeng, bantang pikobet ring tetilikan puniki inggih puniki, minakadi : 1. Sapunapi tata cara ngawigunayang *media pembelajaran topi aksara* sane kasurat antuk *aplikasi balinese font and keyboard* ring paplajahan ngwacen aksara Bali majeng sisia kelas IVA SD Negeri 2 Sakti Nusa Penida? 2. Sapunapi pangresep sisia kelas IVA SD Negeri 2 Sakti Nusa Penida sawusan ngawigunayang *media pembelajaran topi aksara* sane kasurat antuk *aplikasi balinese font and keyboard* ring paplajahan ngwacen aksara Bali? 3. Sapunapi penampen sisia kelas IVA SD Negeri 2 Sakti Nusa Penida ring kawentenan *media topi aksara* sane kasurat antuk *Balinese font and keyboard* ring paplajahan ngwacen aksara Bali?

Manut kadi bantang pikobet sane kaunggahang ring ajeng, tatujuon tetilik puniki inggih punika, minakadi : 1. Mangda uning tata cara ngawigunayang *media pembelajaran topi aksara* sane kasurat antuk *aplikasi balinese font and keyboard* ring paplajahan ngwacen aksara Bali majeng ring sisia kelas IVA SD Negeri 2 Sakti Nusa Penida. 2. Mangda uning pangresep sisia kelas IVA SD Negeri 2 Sakti Nusa Penida sawusan ngawigunayang *media topi aksara* sane kasurat antuk *Balinese font and keyboard* ring paplajahan ngwacen aksara Bali. 3. Mangda uning panampen sisia kelas IVA SD Negeri 2 Sakti Nusa Penida indik kawentenan *media topi aksara* sane kasurat antuk *Balinese font and keyboard* ring paplajahan ngwacen aksara Bali.

Ring sajeroning tetilik puniki wenten kawigunannyan, minakadi kawigunan pamucuk, pikolih tetilik puniki kaaptiang prasida ngicen kawigunan ring sapanglimbak serana paplajahan anggen nincapang kawagedan ngwacen aksara tur prasida ngranayang sisinayane sayan aktif ring sajeroning pamargi pangajah-ajahan. Taler pikolih tetilikan puniki kaaptiang prasida anggen sapanglimbak widya pengajah-ajahan, cutetnyane papaljahan basa

Bali. Wenten taler kawigunan panglimbak sumangdene mawiguna majeng ring sisia prasida kadadosang *pangalaman*, majeng ring guru mangda prasida nglimbakang ri sajeroning paplajahan, majeng ring sekolah mangda prasida kaanggen tetimbangan ri tatkala ngaryanin penilaian, miwah majeng ring panilik sane selanturnyane mangda prasida ngicenin rerawatan.

Manut Zuriah (2009: 6), *teori punika silih sinunggil utsaha* sane kanggen panyangkaan ritatkala jagi nlatarang pikobet sane pacang kamargiang. Ri kala nglaksanayang tetilikan patut kadasarin antuk kaweruhan sane sampun kacumpuin (Arikunto, 2005: 58). Kaweruhan sane sampun wenten malih kaselehin mangda kauiningin sane sampun patut lan sane nenten patut kanggen ring tetilik. Sepat siku-siku sane kanggen ring tetilik puniki inggih punika (1) Ngwacen Aksara Bali, (2) *Media Topi Aksara*, (3) *Balinese Font and Keyboard*.

KRAMANING TETILIK

Kramaning tetilik inggih punika tata cara sane kalaksanayang ring kawentenan penelitian. Tata cara puniki ngranjing ring laksana utama sane kalaksanayang oih peneliti sane kaange nyawis pikobet sane wenten (Wendra, 2014 : 31). Manut sane sampun katedatarang tata cara sane kalaksanayang inggih punika 1) Palihan Tetilikan (*Rencana Penelitian*), 2) Jejering lan Penandang Tetilik (*Subjek dan Objek Penelitian*), 3) Panuntut Tetilikan (*Prosedur Pelaksanaan*), 4) Pangrencana (*Perencanaan*), 5) Panglaksana (*Pelaksanaan*), 6) Seseleh lan Pamastika (*Observasi/Evaluasi*), 7) Mulat Wali (*Refleksi*), 8) Piranti (*Instrumen*) lan Pidabdab Mupulang Data , lan 9) Tatacara Data Tureksa lan Sepat Sida.

Palihan tetilik inggih punika tatacara sane kanggen ngatur *latar* (*setting*) tetilik sumangdane panilik ngamolihang data sane patut (*valid*) manut tekening *karakteristik variable* lan tetujon tetilik (Sutama, 2009:15). Manut baos sujana punika prasida panilik cutetang indik palihan tetilik inggih punika pidabdab sane kanggen ri kala ngalaksanayang tetilik mangda pikobet sane katilikan nganggen pidabdab sane patut. Ring tetilik sane kalaksanayang puniki, sampun janten tetilik puniki nganggen PTK (*Penelitian Tindakan Kelas*). Kabaos *Penelitian Tindakan Kelas* duaning tetilikan puniki kalaksanayang ring kelas antuk makudang tata cara sane kanggen muputang pikobet sane kapolihang guru ri kala ngamargiang plajahan (Wendra, 2011:45). Palihan tetilik tindakan kelas puniki kanggen santukan anut sareng tetujon saking tetilik puniki, inggih punika mautsaha mecikang lan

nincapang pikoli lan ngajahin sane kalaksanayang ring kelas. Akeh *siklus* sane kalaksanayang sajeroning tetilik *tindakan kelas* dahat mapaiketan sareng sepat sida. Cutetnyane, yening sepat sida punika prasida kapolihang ring kalih *siklus*, rarisi tetilik prasida kapuputang.

Jejering mabuah pesan ring sajeroning tetilik, jejering taler kabaos mautama ring tetilik duaning saking jejering punika prasida kapolihang data sane kakaryaninang tur katilikin oleh panilik. Tetilik puniki kalaksanayang ring SD Negeri 2 Sakti Nusa Penida, wenten taler *populasi* sane kanggen ring tetilik punika inggih punika sisia kelas IVA SD Negeri 2 Sakti Nusa Penida, nanging jejering sane kanggen inggih punika makasami sisia lan guru basa Bali kelas IVA SD Negeri 2 Sakti Nusa Penida warta 2019 sane akehnyane 15 sisia. Sisia lanang 7 diri miyah sisia istri 8 diri. Ring tetilik puniki nilikin indik kawagedan sisia ngwacan aksara Bali ring kelas IVA. Panilik ngawentenan tetilik puniki ring sisia kelas IVA, duaning ring kelas puniki kerasayang kantun makeh sisia sane kirang waged ngwacan aksara Bali, tur makeh sisia sane nenten urati ri kala polih plajahan basa Bali. Kawentenan puniki prasida kacingakin saking nilai sisia sane kantun kirang ri kala ngwacan aksara Bali. Kantun makeh sisia sane durung prasida ngamolihang nilai nganutin KKM. KKM sane kanggen ring kelas IVA SD Negeri 2 Sakti Nusa Penida inggih punika 75.

Penandang tetilik inggih punika parindikan sane pacang katureksain ring sajeroning tetilikan. Penandang sane marupa proses inggih punika ngawigunayang *media* paplajahan masarana *topi* aksara sane kasurat antuk *Balinese font and keyboard*. Penandang sane marupa produk inggih punika kawagedan sisia ngwacan aksara Bali cutetnyane aksara wianjana, pengangge aksara miyah angka.

Tetilik puniki nganggen tetilik *tindakan kelas*, mawinan asapunika tetilikan puniki jagi kalaksanayang antuk makudang-kudang *siklus*. Akehnyane *siklus* sane kanggen ring tetilik puniki nganutin pikoli sane kapolihang, yening pikoli sane kapolihang kirang panilik jagi ngawawanin malih ngantos pikoli sane kapolihang becik. Ring sajeroning *siklus* punika, wenten makudang-kudang geginan sane patut kalaksanayang minakadi mulat wali awal, pangerencana tetilik, palaksanan tindakan, pamastika (*evaluasi*) lan mulat wali.

Pangerencana ring sajeroning *siklus* kasusun anggen mecikang peplajahan (Sanjaya, 2012:78). Ring pangrencana puniki panilik pacang nyayagaang piranti-piranti sane pacang kanggen ri kala ngawentenan tetilik puniki. Wenten makudang geginan sane pacang

kalaksanayang inggih punika sekadi: (1) Panilik sareng guru nyelehin silabus sane kanggen ring paplajahan mangda tatuon paplajahan prasida mamargi. (2) Panilik lan guru, sareng-sareng makarya RPP anggen piranti nglaksanayang paplajahan. (3) Panilik nlatarang majeng ring guru mata pelajaran basa Bali ring kelas IVA SD Negeri 2 Sakti Nusa Penida ngenenin indik tata cara ngamargiang paplajahan nganggen *media* topi aksara sane kasurat antuk *Balinese font and keyboard* ring IOS sane lagi kamargiang. (4) Panilik sareng guru makarya piranti tetilik. Wenten piranti tetilik sane kanggen inggih punika panuntun pratiyaksa, *kuisisioner/angket*, lan *test*. Sasampun ngawentenan makudang-kudang palihan pangrencana tetilik, selanturnyane kamargiang sekancan pangrencana sane sampun kakaryanin. Tetilik puniki pacang kalaksanayang kalih *siklus*.

Kawentenan seseleh matetujon nguningayang pekaryan sane kalaksanayang oleh sisia ri kala paplajahan puniki kalaksanayang. Seseleh puniki kalaksanayang ring sajeroning geginan malah kalaksanayang, ngawit ngawitin paplajahan ngantos puput paplajahane. Tetujon nglaksanayang seseleh mangda uning kekirangan ring sajeroning panglaksana sane kalaksanayang. Seseleh kalaksanayang nganggen panuntun pratiyaksa sane sampun kakaryanin oleh panilik nganutin tuntunan sareng dosen. Saking pikoli sane kapolihang ring seseleh sane sampun kalaksanayang punika, prasida kacingakin sapunapin pikoli media topi aksara sane kasurat antuk *Balinese font and keyboard* ring IOS ring sajeroning kawagedan sisia ngwacan aksara Bali. Pemastika inggih punika tatacara nguningin panglimbak pikoli mlajah sisia ring pengajahan lan nguningin sapunapi pikoli malajah sane kapolihang, napike anut utawi nenten sareng tatuon paplajahan. Usan punika kalaksanayang Mulat wali ungkur paplajahan, utawi sesampun materi plajahan punika usan katelatarang. Geginan puniki kalaksanayang pinaka tata cara nureksain pikoli sane kapolihang sausan kalaksanayang media topi aksara sane kasurat antuk *Balinese font and keyboard*. Napike pikolihiyane becik utawi nenten.

Wenten makudang-kudang pidabdab mupulang data lan pirantinyane (*instrumen*), minakadi : 1) Pidabdab praktisa sane kanggen mupulang data ngenenin indik gaginan sisia lan guru ri kala kawentenan plajahan, 2) Pidabdab *angket* kasaratang ring sajeroning mupulang data indik panampen sisia majeng ring pamargin plajahan, lan 3) Kramaning tes inggih punika serana sane kanggen nyelehin kaweruhan sisia ngenenin indik akademik lan

kawagedan pinaka pikolih sisia ring paplajahan. Manut KKM SD Negeri 2 Sakti Nusa Penida antuk palajahan Basa Bali inggih punika 75. Dadosnyane sisia sampun kabaos tuntas yening sampun ngamolihang nilai pinih akidik 75.

Data sane ngenenin indik pangresep sisia ring paplajahan ngwacen aksara Bali katilikin nganggen teknik *deskriptif kuantitatif*. Penilaian pangresep sisia kelas IVA SD Negeri 2 Sakti Nusa Penida kalaksanayang nganggen Penilaian Acuan Patokan (PAP). Panampen sisia pacang katilikin nganggen teknis analisis *deskripsi kuantitatif lan kualitatif*. Tetilikan punika kabaosang sampun mikolihang (*berhasil*) yening 60% sisia ngicen panampen sane *positif*. Palet sane kalaksanayang sajeroning nilikin data panampen sisia inggih punika: (1) Ngrereh *Skor Maksimal Ideal (SMI)* saking *kuesioner* sane kaicen. SMI karereh antuk tata cara ngitung makeh item sane kaicen lan bobot saking soang-soang item. (2) Ngrereh *rata-rata ideal (Mi)* antuk *kuesioner* punika ngangge rumus:

$$Mi = \frac{1}{2} (\text{skor maksimal ideal} + \text{skor minimal ideal})$$

(3) Ngrereh Standar Deviasi Ideal (*SDi*) antuk *kuesioner* punika ngangge rumus:

$$Sdi = \frac{1}{3} x Mi$$

PIKOLIH LAN TETEPASAN

Tetilik puniki kalaksanayang ring kelas IVA SD Negeri 2 Sakti Nusa Penida, genahnyane ring Dusun Pundukaha Kelod, Desa Bunga Mekar, Kecamatan Nusa Penida, Kabupaten Klungkung. Akeh sisia sane wenten ring kelas IVA puniki wenten 15 diri, 7 sisia lanang miyah 8 sisia istri. Sane pinaka guru basa Bali ring kelas puniki mawasta I Kadek Suardana, S.Pd. SD sane kaajak penilik sareng-sareng ngwantu tetilikan puniki. Tetilik puniki kalaksanayang ring bulan April ngantos Mei 2019 sane madaging indik pangrencana lan pelaksana *tindakan*. Paplajahan Basa Bali ring kelas IVA puniki kalaksanayang wantah apisan ring awuku inggih punika ring rahina Sukra galah 6 - 7 (11.30-12.30).

Ring pinanggal 19 April 2019, penilik ngalaksanayang praktika nyingakin pamargin paplajahan sane kalaksanayang oleh guru. Pangawit guru ngaturang panganjali, ngabsen, lan nagingin jurnal. Usan punika kalanturang guru ngicen materi sane kasobiahang wantah nganggen *metode ceramah* lan nenten nganggen *media*. Sisia ring kelas IVA sami nyatet lan nenten wenten sane mataken santukan gurunyane galak.

Tabel 1, Jadwal Panglaksana Tetilik

No.	Rahina/Pinanggal	Pelaksana
1	Rabu, 17 April 2019	Observasi Sekolah
2	Sukra, 19 April 2019	Observasi Guru ring Kelas
3	Sukra, 26 April 2019	Patemon I (siklus I)
4	Sukra, 3 Mei 2019	Patemon II (siklus I)
5	Sukra, 10 Mei 2019	Patemon I (siklus II)
6	Sukra, 17 Mei 2019	Patemon II (siklus II)
7	Sukra, 17 Mei 2019	Nagingin Kuesioner risampun kalaksanayang Tindakan

Pikolih kapertama sadurung nganggen *media topi* aksara sane kasurat antuk *aplikasi Balinese font and keyboard* inggih punika 65,13. Riantukan pikolih ngwacen aksara Bali kari kirang, sarat kalaksanayang paobahan ritatkala ngamargiang paplajahan ngwacen aksara Bali nganggen *foto* sisia tur kaedit nganggen topi sane madaging sasuratan aksara Bali sane kasurat antuk *aplikasi Balinese font and keyboard* anggen ngamijilang minat malajah sisia kelas IVA SD Negeri 2 Sakti.

Pikoloh tetilik kaping kalih inggih punika indik pikolih siklus I. Panglaksana ring siklus I puniki kalaksanayang ring Sukra (26 April lan 3 Mei 2019) jam ke 6 – 7. Wenten makudang-kudang sarana sane kaanggen penilik, minakadi: a) Nyiagayang materi sane mapaiketan sareng ngwacen aksara Bali. b) Nyiagayang *media* paplajahan marupa sasuratan kruna lan lengkara sane kaanggen ritatkala ngalaksanayang paplajahan inggih punika *media topi* aksara sane kasurat nganggen *Balinese font and keyboard*. c) Nyiagayang piranti sane kaanggen ring lelintihan pangajah-ajah minakadi *laptop*, *LCD*, lan *emoticon* sane prasida katempel sane madue wentuk *star*, *jempol*, miyah *pin penghargaan*.

Pikolih rerata sane kapolihang ring siklus I puniki akehnyane 72,53. Lan pikolih persentase sane kapolihang sane anut sareng KKM wantah 33,33% (5 diri sane prasida ngamolihang *nilai* 75). Yening kacingak, makasamian tetilikan kabaos tuntas yening anut sareng KKM akeh

nyane 75% lan prasida ngamolihang nilai 75. Nika mawinan kalaksanayang siklus II.

Pikolih tetilikan kaping tiga inggih punika indik pikolih siklus II. Pangrencana ring tetilikan punika kalaksanayang manut ring pikolih *evaluasi* lan mulat wali ring siklus I. Pangrencana ring siklus II punika mesib sareng pangrencana ring siklus I. Sane minayang inggih punika, kawentenan *media foto* sisia sane nganggen topi aksara sampun kalebihin.

Pikolih rerata sane kapolihang ring siklus II punika akehnyane 80,13. Lan pikolih persentase sane kapolihang sane anut sareng KKM punika sampun langkung, akeh nyane 86,67% (13 diri sane prasida ngamolihang nilai 75 miyah langkung). Pikolih punika nincap nyening kasaihang sareng pikolih tes ring siklus I, sane akehnyane 33,33% (5 diri sane prasida ngamolihang nilai 75 miyah langkung).

Pikolih sane kaping untat inggih punika indik panampen sisia ngawiginayang *media topi* aksara sane kasurat antuk *aplikasi Balinese font and keyboard*. *Media paplajahan topi* aksara sane kasurat antuk *aplikasi Balinese font and keyboard* anggen nincapang kawagedan ngwacen aksara Bali punika madue pangargan sane becik. Pikolih rerata sane kapolihang akehnyane 27,67. Ring pikolih punika wantah 2 sisia sane madue pangargan positif (13,33%) lan 13 sisia sane madue pangargan positif pisan (86,67%). Lan prasida kacingak akehan sisia sane cumpu pisan sareng paplajahan ngwacen aksara Bali nganggen *media topi* aksara sane kasurat antuk *aplikasi Balinese font and keyboard*.

Manut ring pikolih awal indik pamargin paplajahan sane nenten kawantu sareng *media paplajahan*, punika ngaranayang pikolih sisia indik ngwacen aksara Bali akeh sane nenten anut sareng KKM. Riantukan punika anggen natasin pikobet kirang nyane pikolih kawagedan sisia ngwacen aksara Bali punika patut kalaksanayang *media topi* aksara sane kasurat nganggen *apikasi Balinese font and keyboard*. *Media paplajahan topi* aksara kaaptiang prasida nincapang *keberhasilan* sisia, ngamijilang *motivasi* malajah sisia, nincapang *daya kreasi*, ngawiginayang materi paplajahan punika nenten meweh kaengsapang lan prasida ngawiang panglaksana paplajahan punika trepti.

Tetepasan punika nelatarang indik pikolih-pikolih sane sanget mabuat ring tetilikan. Pikolih ring tetilikan punika minakadi sane kapertama indik pamargin *media paplajahan topi* aksara kaanggen nincapang kawagedan ngwacen aksara Bali. Kaping kalih indik pikolih *media paplajahan topi* aksara kaanggen nincapang kawagedan ngwacen aksara Bali, lan kaping tiga indik penampen sisia ritatkala kamargiang

media paplajahan *topi* aksara kaanggen nincapang kawagedan ngwacen aksara Bali. Makasamian punika jagi katelatarang ring sor puniki.

Pikolih sane kapartama indik tata cara utawi pamargin paplajahan nganggen *media paplajahan topi* aksara kaanggen nincapang kawagedan ngwacen aksara Bali sisia kelas IVA SD Negeri 2 Sakti Nusa Penida. Tata cara ngamargiang paplajahan nganggen *media paplajahan topi* aksara punika kalaksanayang manut sareng pangrencana paplajahan sane sampun karincikan ring *RPP*. Risampune kalaksanayang mulatwali ring siklus I punika prasida kabaos sampun becik, nanging wenten kirangnyane. Kekirangan punika selanturnyane karerehang *solusi* mangda prasida ngamecikang pamargin paplajahan ring siklus II, *solusinyane* minakadi : 1) guru lan sisia ri ritatkala nyarengin paplajahan punika patut kaimbangin sareng *tanya jawab* mangda suasana ring kelas punika idup. 2) ritatkala ngamargiang materi paplajahan punika nenten becik yening ceramah kemanten nanging teler perlu kaimbangin nganggen *power point*, gambar miyah sane lianan mangda sisia punika *tertarik* nyarengin paplajahan, 3) sisia punika kanikain nyatet indik materi sane sampun katelatarang, 4) sisia kaajak sareng-sareng nureksain pakaryan sawitra sane lianan mangda uning kaiwangannyane, 5) sadurung muputang paplajahan punika, sisia kaajak sareng-sareng nyutetang paplajahan.

Manut ring tata cara pamargin paplajahan, lelintihan pangajah-ajah punika sampun prasida mamargi becik lan *efektif*. Sisia uning indik pabinayan aksara pa sareng sa, lan prasida minayang kawigunan taleng sareng pepet. Pamargin paplajahan sane becik lan kaimbangin sareng tes pastika *berpengaruh* sareng pikolih panincapang kawagedan sisia ngwacen aksara Bali.

Pikolih sane kaping kalih inggih punika ngenenin indik panincapan kawagedan ngwacen aksara Bali sisia kelas IVA SD Negeri 2 Sakti Nusa Penida. *Evaluasi* anggen ngarereh kawagedan ngwacen aksara Bali inggih punika nganggen tes ngwacen sasuratan sane sampun kasiagayang olah guru. Tes punika kalaksanayang ring unggur siklus. Ring tes ngwacen aksara Bali punika, sisia kaicen ngwacen sasuratan aksara Bali sane wenten ring topi. Tatujon sane kaaptiang penilik inggih punika sisia kaaptiang prasida ngwacen aksara Bali sane becik. Sisia taler uning *aspek-aspek* sane patut kauratiang ritatkala ngwacen aksara Bali mangda prasida nganutin *aspek-aspek* punika.

Aspek sane katureksa anggen nentuang pikolih sisia ngwacen aksara Bali inggih punika aspek nguningin wentuk aksara Bali, ketepatan ngwacen kruna maaksara Bali, kejelasan ri kala ngwacen, lan keaktifan sisia. Ring aspek nguningin wentuk aksara Bali sisia mangda prasida uning indik wentuk lan bacaannya. Ring aspek ketepatan mangda indik sasuratan lan sane kawacen mangda anut. Ring aspek kejelasan mangda sisia punika jelas lan tegas ri kala ngwacen. Lan ring aspek keaktifan sisia mangda prasida masaing sareng sawitrannyane.

Rerata pikolih sisia sadurung nganggen media paplajahan *media topi* aksara inggih punika 65,13. Penilik ngamolihang pikolih ring siklus I punika prasida nincap dados 72,53. Ring siklus I puniki sane anut sareng KKM wantah 33,33% (5 sisia sane prasida ngamolihang nilai 75 utawi langkung). Risampune kalaksanayang siklus II, pikolihnyane prasida nincap dados 80,13. Sisia sane prasida anut sareng KKM akehnyane 86,67% (13 sisia sane prasida molihang nilai 75 utawi langkung). Saking pikolih punika, prasida cutetang yening media paplajahan *topi* aksara punika prasida kaanggen nincapang kawagedan ngwacen aksara Bali sisia kelas IVA SD Negeri 2 Sakti.

Panincapang puniki nenten lempas sareng kawigunan *media topi* aksara sane kaanggen ri tatkala ngamargiang paplajahan. *Media topi* aksara puniki prasida nincapang keaktifan sisia ring lelintihan pangajah-ajah, lan sisia nenten tegang ri tatkala nyarengin paplajahan.

Pikolih sane kaping tiga inggih punika ngenenin indik penampen sisia indik *media peplajahan topi* aksara sane kasurat nganggen aplikasi *Balinese font and keyboard* anggen nincapang kawagedan ngwacen aksara Bali sisia. Punika prasida kacihnayang saking siklus sane kapertama. Yening cingak ring pasinahan sane kapertama, kapolihang data makehnyane 9 sisia (60,00%) ngicen panampen pinih cumpu, 5 sisia (33,33%) ngicen panampen cumpu, lan 1 sisia (6,67%) ngicen panampen kirang cumpu. Ring pasinahan kaping kalih kapolihang data penampen sisia, wenten 7 sisia (46,67%) ngicen panampen pinih cumpu, 5 sisia (33,33%) ngicen panampen cumpu, lan 3 sisia (20,00%) ngicen panampen kirang cumpu. Pasinahan kaping tiga, kapolihang data makehnyane 10 sisia (66,67%) ngicen panampen pinih cumpu, 4 sisia (26,67%) ngicen panampen cumpu, lan wenten 1 sisia (6,67%) ngicen panampen kirang cumpu. Ring pasinahan kaping lima mikolihang panampen sisia sane pinih cumpu 13 sisia (86,67%), 1 sisia (6,67%) ngicen panampen cumpu, lan 1 sisia (6,67%) mikolihang panampen kirang cumpu. Pasinahan kaping 6 prasida kapolihang dara wenten 10 sisia (66,67%) sane ngicen panampen pinih cumpu, 3 sisia (20,00%) ngicen panampen cumpu, lan 2 sisia (13,33%) ngicen panampen kirang cumpu. Punika prasida kacihnayang saking *angket* puniki yening 13 sisia sane cumpu pisan (86,67%), lan 2 sane cumpu (13,33%). Prasida kacutetang ngenenin indik pikolih panampen sisia ring siklus II inggih punika saking 15 diri sisia sane nagingin angket utawi *kuesioner*, sane ngicen panampen positif pisan wenten 14 diri sisia lan sane ngicen panampen positif wenten 1 diri sisia. Skor rerata penampen sisia ngwacen aksara Bali antuk *media topi* aksara sane kasurat antuk *Balinese font and keyboard* inggih punika 27,20.

Prasida kacutetang, penampen sisia indik *media pembelajaran topi* aksara sane kasurat kirang cumpu. Ring pasinahan kaping lima mikolihang panampen sisia sane pinih cumpu 13 sisia (86,67%), 1 sisia (6,67%) ngicen panampen cumpu, lan 1 sisia (6,67%) mikolihang panampen kirang cumpu. Pasinahan kaping 6 prasida kapolihang dara wenten 9 sisia (53,33%) sane ngicen panampen pinih cumpu, 4 sisia (26,67%) ngicen panampen cumpu, lan 3 sisia (20,00%) ngicen panampen kirang cumpu. Prasida kaacutetang ngenenin indik pikolih panampen sisia ring siklus I inggih punika saking 15 diri sisia sane nagingin angket utawi *kuesioner*, sane ngicen panampen positif pisan wenten 11 diri sisia lan sane ngicen panampen positif wenten 4 diri sisia. Skor rerata penampen sisia ngwacen aksara Bali antuk *media topi* aksara sane kasurat antuk *Balinese font and keyboard* inggih punika 26,87.

Yening pikolih panampen sisia ring siklus sane kaping kalih kasinahang ring pasinahan sane kapertama, kapolihang data makehnyane 10 sisia (66,67%) ngicen panampen pinih cumpu, lan 5 sisia (33,33%) ngicen panampen cumpu,. Ring pasinahan kaping kalih kapolihang data penampen sisia, wenten 7 sisia (46,67%) ngicen panampen pinih cumpu, 5 sisia (33,33%) ngicen panampen cumpu, lan 3 sisia (20,00%) ngicen panampen kirang cumpu. Pasinahan kaping tiga, kapolihang data makehnyane 10 sisia (66,67%) ngicen panampen pinih cumpu, 4 sisia (26,67%) ngicen panampen cumpu, lan wenten 1 sisia (6,67%) ngicen panampen kirang cumpu. Pasinahan kaping pat, prasida kapolihang data makehnyane 7 sisia (46,67%) ngicen panampen pinih cumpu, 6 sisia (40,00%) ngicen panampen cumpu, lan 2 sisia (13,33%) ngicen panampen kirang cumpu. Ring pasinahan kaping lima mikolihang panampen sisia sane pinih cumpu 13 sisia (86,67%), 1 sisia (6,67%) ngicen panampen cumpu, lan 1 sisia (6,67%) mikolihang panampen kirang cumpu. Pasinahan kaping 6 prasida kapolihang dara wenten 10 sisia (66,67%) sane ngicen panampen pinih cumpu, 3 sisia (20,00%) ngicen panampen cumpu, lan 2 sisia (13,33%) ngicen panampen kirang cumpu. Punika prasida kacihnayang saking *angket* puniki yening 13 sisia sane cumpu pisan (86,67%), lan 2 sane cumpu (13,33%). Prasida kacutetang ngenenin indik pikolih panampen sisia ring siklus II inggih punika saking 15 diri sisia sane nagingin angket utawi *kuesioner*, sane ngicen panampen positif pisan wenten 14 diri sisia lan sane ngicen panampen positif wenten 1 diri sisia. Skor rerata penampen sisia ngwacen aksara Bali antuk *media topi* aksara sane kasurat antuk *Balinese font and keyboard* inggih punika 27,20.

Prasida kacutetang, penampen sisia indik *media pembelajaran topi* aksara sane kasurat

antuk *aplikasi Balinese font and keyboard* puniki ngranjing ring *kategori positif* pisan mawinan ring *persentase* punika akehan sisia sane ngrasayang seneng kaajahin nganggen *media pembelajaran topi* aksara punika. Data punika kapolihang saking angket/kuesioner sane sampun kadagingin oleh sisia.

Riantukan punika, saking *angket* punika taler penilik polih panampen yening sisia punika meled yening benjang pungkur guru punika nganggen *media paplajahan* sekadi penilik laksanayang mangda sisia punika nenten *tegang* lan marasa seneng ritatkala nyarengin paplajahan. Punika prasida kacingak saking pikolih angket ring siklus I lan II. Para sisia madue panampen indik *aplikasi Balinese font and keyboard* sane sasuratan aksaranyane becik lan *rapi*. Prasida kacingak ring *lampiran* indik kawentenan wentuk aksaranyane sane becik, lan aplikasi *Balinese font and keyboard* punika mabinayan sareng *aplikasi* lianan santukan yening wenten surang sareng pepet punika nenten matumpuk, nika mawinan aplikasi puniki kabaos becik.

Prasida kacutetang, penampen sisia indik *media pembelajaran topi* aksara sane kasurat antuk *aplikasi Balinese font and keyboard* puniki ngranjing ring *kategori positif* pisan mawinan ring *persentase* punika akehan sisia sane ngrasayang seneng kaajahin nganggen *media pembelajaran topi* aksara punika.

Media pembelajaran topi aksara sane kaanggen ring paplajahan ngwacen aksara Bali prasida nincapang kawagedan ngwacen aksara sisia. Punika nyihnyang yening tetilikan puniki sampun *tercapai*. Riantukan punika, *media pembelajaran topi* aksara puniki sampun mabukti prasida kaanggen ring lelintihan pangajah-ajah anggen nincapang kawagedan ngwacen aksara Bali sisia kelas IVA SD Negeri 2 Sakti Nusa Penida.

Dadosnyane manut sareng sepat siku-siku sane sampun katelatarang punika, *PTK* puniki kalaksanayang antuk makudang-kudang siklus sane *sistematis* lan kaaptiang sumangdane *PTK* puniki prasida ngicenin paobahan, (Kunandar, 2009:43). Riantukan punika lelintihan pangajah-ajah ring sekolah punika nenten kabaos *berhasil* yening nenten kaimbangin sareng *media pembelajaran*, punika jakti prasida kadadosang *perantara* anggen ngicenin materi ajah, *merangsang* pikayun, *minat* lan panampen sisia punika mangda seneng mlajah. Punika pinaka pelaksana tetilikan sane sistematis sane prasida ngicenin paobahan pikolih sisia sane prasida ngamolihang panincapan kawagedan sisia ngwacen aksara Bali.

Kawagedan sisia punika prasida nincap mawinan kaimbangin antuk kaluihan *media topi*

aksara sane kasurat antuk *aplikasi Balinese font and keyboard*. Wenten kaluihan *media topi* aksara minakadi 1) Kawentenan foto sisia sane ngawinang nenten tegang ri kala paplajahan ring kelas, 2) *Media* sane nenten mesuang biaya, mawinan ngrereh foto sisia usan punika ka *edit* ring HP, 3) Inih tekening prebea, artosnyane prasida kakaryanin ring makasamian genah, nenten kaiket antuk galah, (Effendi, 2005). Manut saking kaluwihan punika, dadosnyane paplajahan ngwacen aksara Bali nganggen *media paplajahan topi* aksara sane sampun kamargiang punika prasida kabaos becik lan *menarik*.

Wenten tatalik asoroh sane kacingakin panilik anggen sasuluhan minakadi pikolih sane kalaksanayang oleh Ni Made Agnityas Prima Astuti sane mamurda “*Pembelajaran Menulis Cerpen Dengan Menggunakan Media Komik Kelas XI Di SMA Negeri 2 Negara Tahun Ajaran 2011/2012*”. Ring tetilikan punika wenten panincapan nilai rerata 45,94 ring siklus I taler prasida nincap ring siklus II dados 78,5. Ring tetilikan punika prasida nyihnyang yening media komik punika prasida nincapang kawagedan nyurat cerpen sisia kelas XI SMA Negeri 2 Negara. Ring tetilikan punika taler ngajahin sisia mangda rajin ngwacen buku. Taler tetilik sane kaping kalih saking I Made Dwi Adipraya (2015) sane mamurda “*Iusan Pangawigunaan Piranti Gambar Monopoli Mabasa Bali Ring Paplajahan Ngwacen Aksara Bali Ring Sisia Kelas V SDK Marsudirini*”. Pikolih ring pratindakan punika 61,44, selanturnyane sesampune kalaksanayang siklus I punika prasida nincap 70,31 lan malih prasida nincap ring siklus II pikolihnyane 83,81. Pikolih sane kapolihang punika kabaos becik. Ring tetilik punika nganggen media *gambar monopoli* ritatkala ngalaksanayang paplajahan ring kelas.

IMPLIKASI

Sajeroning tetilikan puniki ring kawigunannya dumogi prasida kaanggen uger-uger ri kala guru ngamargiang peplajahan mapaiketan ring peplajahan ngwacen aksara Bali. Sepatutnyane ngawigunayang *media* mangda manut dudonan tata cara sane patut anggen nagingin peplajahan ring kelas. Yening peplajahan indik ngwacen aksara Bali kasarengin *media* sane manut, sisia dangan pacang ngaresepang. Yening sampun ngresepang, sinah prasida nincapang kawagedan sisia, kaweruhan sisia, uratian sisia miyah sane tiosan. Prasida kacingak ring tetilikan puniki sampun mabukti kawagedan sisia nincap, inggih punika sampun prasida nincapang kawagedan sajeroning ngwacen aksara Bali nganggen *media topi* aksara sane kasurat antuk *aplikasi Balinese font and*

keyboard saha sisia marasa seneng ri kala nyarengin paplajahan.

PAMUPUT

Malarapan antuk pikolih sane sampun kateratarang ring adiaya IV, prasida kacutetang ngenenin indik daging pikolih tetilik inggih punika : (a) Tetilik punika klaksanayang antuk kalih *siklus* tur kalaksanayang antuk 4 patemon. Tetilikan punika kalaksanayang ngawit pinanggal 17 April ngantos 17 Mei 2019. Tata titi sane pinih patut sajeroning nglaksanayang *media topi* aksara antuk *aplikasi Balinese font and keyboard* kaanggen nincapang kawagedan ngwacen aksara Bali sisia kelas IVA SD Negeri 2 Sakti Nusa Penida inggih punika: ring patemon kapertama (1) Guru ngicenin apersepsi sane mapaiketan sareng paplajahan sane sampun kamargiang awuku sane lintang, (2) Guru nelatarang daging paplajahan indik ngwacen aksara Bali, (3) Guru nelatarang indik artos, serana lan tata cara ngewacen aksara Bali antuk *media topi* aksara antuk *aplikasi Balinese font and keyboard*, (4) Guru ngicen galah sisia metaken, yening wenten sane durung karesepang, (5) Guru nyayagaang piranti sane kaanggen ring sajeroning ngamargiang paplajahan *media topi* aksara antuk *aplikasi Balinese font and keyboard*, (6) Guru nguningayang mangda sisia nyiagayang angga, (7) Guru ngicen siki sisia milih siki nomor tur ngwacen sasuratan sane wenten ring *foto* sisia sane nganggen topi, (8) Guru lan sisia sareng-sareng nureksain pakaryan sisia sane lianan, (9) Guru ngicen *hadiyah (penguatan)* marupa *emoticon* sane prasida katempel ring baju, lan sisia sane polih *emoticon* akeh sane polih jayanti tur polih nilai tambahan, (10) Guru lan sisia nyutetang paplajahan. Ring patemon kaping kalih (1) Guru ngicenin atur uning ngenennin indik paplajahan sane jagi kamargiang (nalatarang *indikator* lan tatujuh paplajahan ngwacen aksara Bali), (2) Guru ngicenin apersepsi sane mapaiketan sareng paplajahan sane sampun kamargiang awuku sane lintang, (3) Guru nelatarang daging paplajahan indik ngwacen aksara Bali, (4) Guru ngicen galah sisia metaken, yening wenten sane durung karesepang, (5) Guru nyayagaang piranti sane kaanggen ring sajeroning test ngwacen aksara Bali, (6) Soang-soang sisia magentian ngwacen makudang-kudang lengkara maaksara Bali ring arep kelas, (7) Guru lan sisia nyutetang paplajahan. (b) Pangawigunan *media topi* aksara antuk *aplikasi Balinese font and keyboard* prasida kaanggen nincapang kawagedan ngwacen aksara Bali sisia kelas IVA SD Negeri 2 Sakti Nusa Penida. Indike punika prasida kacingakin sakin *rata-rata* pikolih sisia ngwacen aksara Bali. *Rata-rata*

pikolih sisia sadurung nganggen *edia topi* aksara inggih punika 65,15. Ring siklus I sampun nincap dados 72,53, ring siklus I punika wau 5 (33,33%) sisia sane prasida ngamolihang nilai langkung saking 75. Nincap malih ring siklus II, *rata-rata* pikolih sisia inggih punika 80,13. Presentase sisia sane sampun polih nilai langkung saking 75 inggih punika 13 (86,67%) sisia. (c) Panampen sisia ring kawentenan *media topi* aksara antuk *aplikasi Balinese font and keyboard* puniki becik pisan. Sisia merasa seneng tur nenten jejeh yening paplajahan basa Bali kamargiang nganggen *media* sekadi punika. Indike punika prasida kacingakin saking *angket* penampen sisia sane sampun kadagingin olah sisia kelas IVA. Samian sisia ngicen panampen *positif* pisan ring kawentenan *media topi* aksara antuk *aplikasi Balinese font and keyboard* puniki. Malarapang antuk pikolih sane sampun wenten sajeroning tetilikan puniki, salanturnyane prasida kamahbahang piteket sekadi (1) Guru basa Bali ring SD Negeri 2 Sakti Nusa Penida mangda prasida ngawentenang pangajahan sane *variatif* lan *inovatif* sane ngawinang sisia sayan seneng nyarengin pangajahan basa Bali. *Media topi* aksara antuk *aplikasi Balinese font and keyboard* puniki pastika prasida ngawinang panincapan nilai sisia miwah ngawinang sisia sayan seneng nyarengin paplajahan ngwacen aksara Bali. Kawentenan *foto* sawitrannyane ring pamargin paplajahan nase ngawinang sisia sayan seneng ri kala mlajah. Santukan sisia kelas IV seneng yening wenten plalianan ring paplajahan. (2) Sisia SD Negeri 2 Sakti Nusa Penida mangda setata eling ring napi sane kaplajahin, santukan samian pangajahan sane kamargiang tetujonnyane mangda sisia sayan waged. Samian sisia mangda prasida ngresep ring paplajahan sane kamargiang mangda prasida sayan waged. Tetujon saking pengajahan punika nenten lianan anggen ngelimbakang pangajahan sane kapolihang. (3) Calon guru basa Bali prasida makarya *media* paplajahan *menarik*, taler prasida kawehin malih antuk *metode* sane lianan. Ring tetilikan puniki sampun kacingak pikolih sane becik, pastika *media* sane lianan prasida malih sayan becik kamargiang ring sajeroning ngamargiang *profesi* dados guru basa Bali. (4) Majeng ring panilik tiosan kaptieng prasida nglaksanayang tetilikan malih ngeninin indik *media* paplajahan antuk kawagedan sane lianan, punika prasida ngawinang pangajahan ngeninin indik *media* puniki sayan *variatif* lan *inovatif* miwah prasida malih kadadosang silih sinunggil pangajahan sane ngawentenang *inspirasi* pangwacen tetilikan.

Malarapan antuk pikolih sane sampun katedatarang ring adiaya IV, prasida kacutetang ngenenin indik daging pikolih tetilik puniki, sekadi: tetilik puniki klaksanayang antuk kalih *siklus* tur kalaksanayang antuk 4 patemon. Tetilikan puniki kalaksanayang ngawit pinanggal 17 April ngantos 17 Mei 2019. Pangawigunan *media topi* aksara antuk *aplikasi Balinese font and keyboard* prasida kaanggen nincapang kawagedan ngwacen aksara Bali sisia kelas IVA SD Negeri 2 Sakti Nusa Penida. Indike punika prasida kacingakin sakin *rata-rata* pikolih sisia ngwacen aksara Bali. *Rata-rata* pikolih sisia sadurung nganggen *edia topi* aksara inggih punika 65,15. Ring siklus I sampun nincap dados 72,53, ring siklus I puniki wau 5 (33,33%) sisia sane prasida ngamolihang nilai langkung saking 75. Nincap malih ring siklus II, *rata-rata* pikolih sisia inggih punika 80,13. Presentase sisia sane sampun polih nilai langkung saking 75 inggih punika 13 (86,67%) sisia. Panampen sisia ring kawentenan *media topi* aksara antuk *aplikasi Balinese font and keyboard* puniki becik pisan. Sisia merasa seneng tur nenten jejeh yening paplajahan basa Bali kamargiang nganggen *media* sekadi punika. Indike punika prasida kacingakin saking *angket* penampen sisia sane sampun kadagingin oih sisia kelas IVA. Lianan sareng tetingkesan punika, pacang katedatarang piteketnyane, minakadi: 1) majeng ring sisia SD Negeri 2 Sakti Nusa Penida mangda setata eling ring napi sane kaplajahin, santukan samian pangajahan sane kamargiang tetujonnyane mangda sisia sayan waged. 2) majeng ring guru basa Bali ring SD Negeri 2 Sakti Nusa Penida mangda prasida ngawentenang pangajahan sane *variatif* lan *inovatif* sane ngawinang sisia sayan seneng

nyarengin pangajahan basa Bali. 3) majeng ring calon guru basa Bali prasida makarya *media* paplajahan *menarik*, taler prasida kawewehin malih antuk *metode* sane lianan. 4). majeng ring panilik tiosan kaptiang prasida nglaksanayang tetilikan malih ngenin indik *media* paplajahan antuk kawagedan sane lianan, punika prasida ngawinang pangajahan ngenin indik *media* puniki sayan *variatif* lan inovatif miwah prasida malih kadadosang silih sinunggil pangajahan sane ngawentenang *inspirasi* pangwacen tetilikan.

KEPUSTAKAAN

- Arikunto, 2006. *Dasar-dasar Evaluasi Pendidikan*. Jakarta:PT.Bumi Aksa.
- Efendi , Dr. M.Pd. 2011. *Pembelajaran Berbasis Teknologi Informasi dan Komunikasi*. Jakarta: Rajawali Pers.
- Sanjaya, H. Wina. 2012. *Perencanaan dan Desain Pembelajaran*. Jakarta: Fajar Interpratama Offset.
- Sutama, I Made. 2009. *Pedoman Penulisan Skripsi dan Tugas Akhir*. Singaraja: Undiksha.
- Suwija, I Nyoman. 2014. *Tata Titi Mabaos Bali*. Denpasar: Pelawasari.
- Wendra, I Wayan. 2012. *Buku Ajar Penulisan Karya Ilmiah*. Singaraja: Undiksha
- Surya, Dr. M.Pd. 2012. *Pengembangan Media dan Sumber Pembelajaran*. Jakarta: Prestasi Pustaka